

Mostra

“The red thread ” - cuinta tlas dl lizeum d’ert Cademia

Giaurida: n juebia, ai 02.05.2024 dala 16:00, tl self dla mostres dla Lia Mostra d’Ert

Dureda dla mostra: 03.05 – 12.05.2024

Orares de giaurida:


lunesc – venerdì: 10:00 – 12:00 y 16:00 – 19:00

sada – dumënia 10:00 – 12:00

On l plajëi de comuniché la giaurida dla mostra dla matura dla cuinta tlasses dl lizeum d’ert Cademia. La mostra sarà da udëi dal 03.05.2024 al 12.05.2024 tl Circolo – Lia Mostra d’Ert a Urtijëi, n post scialdi adata per valorisé l’opres d’ert che vën metudes ora.

La tematica dla mostra "Fil Cueciun" ie unida crissa ora per ti pité na gran lerch ala sculées y ai sculeies per nterpretazions y reflescions defrëntes. L ie na metafora che descëida liams che va sot, stories nturtidledes y continuità tl tēmp, ma nce esperienzes y emozions persuneles. Uniuna y uniun à nterpretà chësta tematica a na maniera unica y individuella, cun opres che stimulea la mënt y l cuer de chi che ti cëla.

La mostra sarà n viac tres formes d’esprescion defrëntes, cun opres che va dal mond dl design a l’ert figurativa y ala criatività dla grafica. Chësta varietà spidlea l percurs furmatif che nosta studëntes y nosc studënc à vivù te chisc cin ani intensifs tl lizeum d’ert Cademia. Cin ani de stude y de mpëni, de sfides, de fai trasfurmei te puscibleies y nseniamënc de valor che à caraterisà nosc percurs artistich. Chësta mostra reprejënta n mumënt mpurtant de nosc viac tl lizeum d’ert Cademia. Son cuntënc dl sustëni y dla mutivazion che on giapà ntan chësc percurs y ne udon nia l’ëura de partì nosta opres y nosta pascion per l’ert cun vo. Nëus ve nvion de cuer a tò pert a chësta esperienza, unide pea tl mond dl lizeum d’ert, lascëdeve ispiré da nosta opres y gudëve la mostra. Ve aspiton tl Circolo de Urtijëi.



Lia Mostra d’Ert – Circolo

Plaza S. Antone 102

I – 39046 Urtijëi (BZ)

Tel. 377-5936350

info@circolo.eu